

芭蕉雨過天然翠
菡萏風搖自在涼
正好談禪凭水閣
箇中又有木樨香

雨中看覆蓬山

中峩不肯露長眉
正值斜風細雨時
漁父眼前同入畫
墨雲頭上急催詩
山如承蓋偏非小
峯以退藏益見奇
笑我一蓑兼一笠
與君相對兩迷離

漢張桓侯誕日

在唐留姓陽宋留名武
萬古回環正氣撐
殺賊雷霆走精銳
運籌冰雪淨聰明
當陽唱震曹無色
刁斗銘傳漢有聲
車騎英雄文武備
成都醉酒祀麾旌

道藏輯要

三才全集 古今詩類

三

續華集九
三〇上

卽景六言

疎雨梧桐滴瀝秋
風楊柳蒼黃行吟
蓼花潭上看出畫
圖水鄉

久雨

風風雨雨暗新秋
御氣仙人踏水遊
煙寺鐘聲雲外濕
江天帆影霧中收
瑤壇早見月離畢
玉笛長吟風滿樓
欲喚白龍歸洞去
天心人事兩悠悠

元夕後一夕同諸子集聽吟風館

風竹瀟瀟韻滿樓
師生夜話在林邱
元宵已過何勞說
莫把光陰付水流

示隱士二絕